

鶴

林

集

欽定四庫全書

鶴林集卷三

宋 吳泳

撰

五言律詩

和李憲使

關上青牛去林間白鶴歸月函書味澹霜浸道根肥草
樹連生色魚梁閼殺機晚年偏好易落處是麻衣
比歲兵戈息山民幸有秋麥畦翻雨種瓜圃帶霜收瑾
戶夕熏鼠倚叢晨飯牛使家廉到骨清議在鋤耰

春日成都寺桐華一院芳窻踈紅卷跋焙煖雪吹香論
事惟三代評詩宗晚唐開編疑未瑩今欲扣山房

送楊子達入國學

鸞鳳久束咮賢關時一鳴子今觀上國志豈為浮名母
線絲絲直爺詩字字情別離非所惜回看錦衣榮

雪夜

雲蒸黃野潤月瑩皓庭清夜靜悄人迹溪流皆雪聲帳
吹燈彩暗爐撲火花明遙想鷄人誤鳴歌報六更

雲溪舟中讀唐人詩

大雅聲纔息騷人詞競興
語工終離道味泊祇如僧
霜夜杜荀鶴秋風張李鷹
撫編吟魄動飛雨灑船燈

冬至

閒居罕人事慵把厯頭開
雷自地中復風從天未來
網緼初熟酒的樂未開梅
道盡真光景堯夫好秀才

挽羅宗卿

曉月璿源澹春風璧水香
一條冰透骨五色鳳鳴崗
翳

彼菟裘老傷哉寶鑑亡囊封尚生意今與日爭光

挽鄭文昌

何代無豪傑惟公氣獨剛東身同絞紵遺訓闢緇黃定
力老逾壯英魂凜不忘蜀名省科調猶說鄭文昌

別歲

故鄉於此時釀熟歲豬肥骨董羹延客屠酥酒餉兒甯
塗醉司命門貼畫鍾馗多少傷懷事溪雲帶夢歸

和制垣金泉山

昔日南充縣卑棲枳棘鸞道根隨境悟屐齒過橋寒夢
覺松花白重來鶴頂丹僊翁梨棗熟亦欲傳脩翰

小雪

卧病連三月起來幾半人腕柔妨草聖目眩隔花神
頽魄豈常望殘芳不再晨徘徊盼庭樹猶喜小陽春

壽李鴈湖

間氣生賢詰斯文擅正宗珠鳴直是鳳時見恍猶龍
信史傳緗簡元勲在鼎鐘惟存霜後節景仰彼高松

金定四庫全書
卷三
往在黃樞府璇題護兩扉剪除當路棘紉補坐朝衣風
急操舟濟江空擲釣歸年年湖上鴈旭旦望南飛
起從通德里出守巽巖州上相先聲到兇徒悍氣柔鴻
居新勞徠鳥戶舊綢繆已築沙堤路歸歟贊大猷

金碧蒼巖下神光射斗箕豆灰浮琯後梅蘊破冰時正
是生申日誰為壽卯詩今年真六一說與醉翁知

和晏子忠

天地肇開闢江山誰主盟岸深沙走白石秀水含清魚

自春來美猿雖曉不驚汀洲生杜若薄欲采其英

每逢耆舊問誇說太平年橘柚三冬富荷花萬頃聯斷
巖書姓氏勝迹已蹄筌羣盜方如蝟渠鞭恐著先
我往纔秋莫君來恰歲寒離鴻書落莫歸馬路平寬白
社論心易文壇出手難近來詩思澁風雪立雕鞍

出關

曉帶鷄星出春從鳥道餐霧漫旗彩壞霜落劒花寒天
險今雖在人謀昔所難臨關能虎眄一亮亢曹瞞

冬日

四時平似準冬日頗傷暄暖驟狂花坼霜輕野草繁林
鷲飢跼水山鬼暗窺垣便擬懸車計無人為買園

霜朝

欵乃湖歌斷瓏璵晚色歸鷺翹窺水鏡鷓凍泊垣衣密
坐懸書帳清吟刮硯漸歲寒誰耐久獨有翠兄知

唐人
以竹

為翠
兄

壽胡興元三首

幾代貞元會還生忠簡孫清風拔薤本愛日護葵根足
馬馳周道分公翰蜀門保安橋上路手滌瘴雲昏

皂蓋開藩日黃河洗甲時柳陰承羽葆花氣撲旌麾兵
悍須柔止民若莫勝之麥頭如得雪來歲可休師

耿耿三秋別悠悠四月餘菊潭聞上壽梅驛急馳書簇
藹紅成陣駢筵翠曳裾封侯平四十前路儘寬舒

壽丞相慶七十五首

幾代貞元會重逢上相生閱人冰鑑淨遇事玉衡平日

月黃扉永風塵紫邏清勛名兼壽考何必會耆英

昨夜聞宣鎖虛皇注意深三師分漢制一尺瀉商霖未
白憂邊髮仍丹報國心黃封留壽酒且把斗杓斟

渤海兵戈靜全淮版籍歸紅繅蚕蠶大紫擘蠚螯肥柳
港添生色榆闕閼殺機君王新御殿莫使諫書稀

誕日逢今日新年勝故年良風宜望歲甲雨不妨田漑
米多堪糴京交漸直錢隆興須再見人道魯公賢

自闕翹材館才隨數路求蘭茗和露摘橘柚帶霜收味

適方調鼎裝輕不駕舟有懷吟未盡獨鶴遠山頭

和張周玉訪別

白露下百草年光驚易徂郵亭人折柳別浦鴈銜蘆社
甕應藏酒秋盤好斫鱸賢渠陶靖節晚歲覺迷塗

挽李寺丞

文獻中原舊箕裘戶部清官終一麾守事厯五廷評掛
壁琴無譜傳家硯有名東風吹盡翬溪上若為情

挽李郎中

少日聲名偉中年學問腴氣緣經事老形為愛民癯
吭引朝陽鳳魂驚古冢孤遺忠攄不盡英爽射匡廬

河洛輟微響朱張傳古心世隨人影落君嚮路頭尋
蔓草侵山徑柔荑死樹林良朋更能幾百感集孤斟

挽青陽俞夫人

彼美宜家室之媛友瑟琴漆園歌未歇澧浦珮還沉
懿範貽彤管佳銘得藁砧卧龍山下路風雨亂愁心

挽貴平大夫

介介汝谿叟青衫三十年澹如彭澤柳廉過石門泉漫
仕曾無意遺文竟有傳浮山讀書處定跨玉螭仙

挽王夫人

婉婉嫺詩畫僮僮被典章有齊先祭潔薄泮展衣香
嗔衛心雖切傷周義不忘勉哉君子正彤管尚遺芳

挽鄭夫人

淑行繇真履慈根自夙知性情詩調適內外禮維持
春閣青蘋亂秋原白木悲只今哀窈窕手線授衣時

卷三
挽雍處士

折柳詩名遠滋蘭德本深
捷禽能起孝訓鯉尺平心半
夜酒星落千山薤露吟芭蕉
溪上水嗚咽不堪斟

挽游監簿

好漢三巴傑危言九陛忠
王前留孟子國爾念周公日
馭龍堆出天昏虎踞雄收聲
諸老盡銘有後谿翁
昔上金泉去翁方玉局閒橘
中春響電壺裏曉行山迢
叟空扶杖坡仙不賜環
每思生處所壯淚為公潛

五言長律詩

塞下

黃雲連隴樹紅日下溪榆氈帳三千里蜂屯十萬夫魯
芻肥廩馬漢粟遺城狐虎嘯空涵月犀渠半網蛛游軍
聲勃率巡徼語隴胡柳脆藩籬薄桑乾塹壘孤突炎將
及燕逋尾又侵烏曲引梅花落謠聞小麥枯將軍金騾
裊輕俠繡螯弧十二營田利知誰上此圖

壽安宣相

磊落堪與氣崢嶸社稷身地傾曾鎮靜天造要經綸倉
首懷公輔中原仗老臣綸揚中命寵渥照午橋新司馬
還辭洛汾陽再入秦乾坤重拆洗寓縣細縫紉汰擊鯨
波濁風清虎穴塵綠林戡大盜紫邏息罷民魴尾喁喁
活龍驤帖帖馴按行光弼壘斜岸武侯巾究宅歌鴻鴈
參謀集鳳麟星營羅粲粲雷轂隱鱗鱗飛輓通闕表耕
屯集渭濱軍容俄再色威令復重信烽火閒荆楚塵沙
卷劒岷馬騰雲隴月士飽雪山春來石非無傑平江亦